



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Petrum Fabrum conuenit & admiratur.

urn:nbn:de:hbz:466:1-41515

etiam ciuitati Coloniensi. Exercebatur enim fre-
quenter declamans publicè, vnde & doctrinæ pro-
fектus, & præcipue eloquentia, & ardor aduersus
hæreticorum insanias nouitates celebrabantur. Il-
le priuatim memoratur eximius tanquam præfœ-
cundæ stirpis fructus adolescentis, Laurētum Su-
rium, à quo deinde tantocum bono publico edi-
ta sunt ingentia illa volumina vitarum Sancto-
rum, cùm Lutheranus error incautum in prima
ætate circumuenisset, Canisius ingenij sui, & elo-
quentiæ ornamenti conciliatum, vnuſ omnium
maximè impulisse dicitur, vt ad Orthodoxos re-
uerteretur. Interior inde contractus est uſus, qui ad
extremum vsque Sanctis vltro, citroque & episto-
lis, & aliis cultus officiis permanſit.

Haec tenus eucto Canisio nouum diuina pro-
uidentia subsidiū misit per quod ad Celsissimum

*Petrum Fa-
brum conne-
nit, & admi-
ratur.* Euangelicæ sapientiæ culmen ueheretur; Petrus
Faber Sociorum beati Ignatij primus, Apostolicæ
Sacerdos industriæ, præclaras per Germaniam, Spi-
rä maximè, & Moguntiæ, priuatim, publiceque
gerebat res, egregia viri fama longè, lateque ma-
nante. Duos habebat suæ asseclas disciplinæ Colo-
nię Ioannem Aragonium, & Aluarum Alfonsum,
qui

qui Sacerdotio iam præditi, mox in aciem aduer-
sus infesta vitiorum agmina prodituri, literarum
in officina tela Spiritus exacuebant. Siue horum
ex vsu, siue ex ipsius celebritate famæ admiratus
Fabrum Canisius, conuenire hominem, atque o-
culis explorare decreuit, quæ de illo auditione co-
gnorat. Rapit Philosophicas iuniorum mētes lau-
dabilis ardor noscendi viros præstantes. Sed no-
strum Petrum haud dubiè vis agebat diuinior, &
fortasse illud ipsum, quod nuper ab Arnhemiana
vidua demōstrauimus editum ei, vaticinium, ex-
timulabat, vt, cùm apparuisse sacerdotū nouum
quoddam genus audiret, aueret cognoscere, num
is illorum de numero esset, quos sancta vates ceci-
nisset. Vt vt sit, Moguntiam perrexit: conuenit Fa-
brum: admiratus tantoperè est, vt dubitaret vi-
rum ne magis, quem quæsiuerat; an Angelum Do-
mini inuenisset. Suspiciebat diuinarum in illo re-
rum magnam, profundamq; scientiam: suspicie-
bat illustres, eminentesque virtutes, eximiam in-
primis caritatem, & ardens studiū nihil nisi Chri-
sto collaborandi in animarum salutem. Obserua-
bat accuratè, notabatque cuncta viri facta, dicta-
que: & obstupefcebat nullum illi verbum ex ore,

D

siue

sive in vsu communi, familiarique congressu, sive
 dum mensæ accumbit, seu publicè, seu priuatim
 abire, nisi quod Dei laudem ac pietatem sonaret:
 idque ea facere sanctitatis, comitatisque pruden-
 tia, vtaudientibus semper multum emolumenti,
 nihil molestiæ vnquam, aut satietatis afferret. Hæc
 autem non curiosè obseruans, sed quo oculo san-
 cti Patres meliorum considerandas virtutes do-
 cēt, totus ad imitationem rapiebatur: eaq; omnia
 sibi pro forma proponēs, ac regula, ad quā vitam
 deinceps cōponeret, ac dirigeret suam, nihil iam
 dubitabat, quin hoc demum Sacerdotum esset il-
 lud nouorum genus, ad quos ipse ex viduæ sanctæ
 prædictione deberet adiungi. Nec verò minus Fa-
 brum & sapientia cepit adolescentis, & bonitas.
 Agglutinantur continuò inter se utriusque ani-
 mi; & magister egregius pro nobilitate discentis
 de promens industriam, ad exactam reconditionis
 philosophiæ speciem præscriptis à B. Ignatio men-
 tis exercitationibus expolire, perficereque aggre-
 ditur. Constat enim ex Ephemeride ipsa Fabri
 non Coloniæ hæc, sed Moguntiæ gesta. Tum ve-
 rò, ubi sancto illo in ocio vacare sibi ac Deo Cani-
 sius cœpit attentius, instar aridæ materiæ, quæ fa-
 cilli-

*Exercitiis
spiritualibus
mirè immu-
tarur,*

